



*JOSEPHO, Sponso MARIAE
Virginis, JESU CHRISTI*

Nutritio.

SAcramentum Ordinis, cuius
finis & Icōpus est, Euchari-
stiam rite administrare, nul-
li rectius inscribere potui;
quām tibi Viro, ut loquitur Russi-
nus, per omnia incomparabili, tibi
inquam, ô beatissime JOSEPH, qui
teste Bern. *Serm. 2.* super missus pa-
nem vivum è cœlo (panem Eucha-
risticum) servandum accepisti: fa-
ctus Ecclesiarum Oeconomus, cui
panem vitæ & frumentum Eleato-
rum conservasti. Quis obsecro, quis
dignè eloquatur, quâ reverentiâ, quâ
pietate, quo amoris excessu sacra-
eissimum pignus, tuæ fidei concre-

ditum, JESUM, Dei & MARIAE Fi-
lium, brachiis suis exceperis, quām
dulcia ori ejus oscula fixeris, quām
solicitā curā eundem nutriveris:
verè fidelis Servus, & prudens,
quem constituit Dominus suæ Ma-
tris solatium, suæ carnis Nutritium.
O quoties, ut loquar verbis S. Isola-
ni p. 3. c. 1. Maximus JESUS in gre-
mio JOSEPH quievit! Ejus collum
sacris suis tenens brachiis, pectori
illius ac humeris hærebat. **Quievit**
in JOSEPH corporaliter, &c. quie-
vit fiduciâ, quievit læticiâ, &c.

*Deque viri collo, ut canit Poëta Fa-
stor. 2. dulce pependit onus.*

O si omnes Ecclesiæ Ministri pari-
tecum fervore, pietate & amore,
cœleste hoc pignus, JESUM specie-
bus Eucharisticis occultatum pro-
sequerentur, suis quotidie manibus
devotè exciperent, reverenter tra-
starent,

stant, & optatam in cordis gre-
mio quietem indulgerent! Fuerunt
sane ô Vir sanctissime , tua erga
Christum devotissima obsequia ,
eorum Ministeriorum, ad quæ mo-
dò Ecclesiæ Ministri per sacros Or-
dines deputantur , tacita præludia;
ut proinde non secus ac vernans &
liliis, rosis, aliisve floribus dives hor-
tus apes exspectat : ita tu pietate,
amore, reverentia, cultu, devote-
tione, in puerulum JESUM amorem
tuum, veluti amœrâ quadam sua-
veolentium florum varietate cu-
mulate locuples, apes, hoc est, Ca-
stos Ecclesiæ Ministros præstolaris,
qui dulcissima debitæ pietatis, de-
votionis, & observantiæ, erga JE-
SUM Eucharisticum, mella ex te
colligant. Tuis igitur pedibus, ô
sanctissime JOSEPH , charissime
mihi semper Patrone, cuius amor à

(o)

à primis annis arête hæsit pectori
meo, exiguum hunc laborem, sum-
mæ Excellentiæ tuæ minimè pa-
rem, humillime advolvo, ut te pro-
pitio, te favente parvus hic labor,
quem *magnum JOSEPHI nomen ob-*
umbrat, magnum pariter amorem,
reverentiam, & cultum erga JE-
SUM Eucharisticum, omnibus Ec-
clesiæ Ministris conciliet; donec
tandem dulcem JESUM, non jam
in Mysteriis, sed facie ad faciem
unâ tecum in beata cœlitum æter-
nitate visuri sumus, ita unicè vovet
& optat

Tuo Nomi*n*i devotissimus

I

C.B.S.J.

PRÆ-